

**ბიზნესისა და ტექნოლოგიების უნივერსიტეტის სტუდენტური  
სასწავლო-კვლევითი პროექტების კონკურსის პირობები**

**მუხლი 1. ზოგადი დებულებები**

1. ბიზნესისა და ტექნოლოგიების უნივერსიტეტის (ბტუ) სტუდენტური სასწავლო-კვლევითი პროექტების კონკურსის მიზანია ბტუ-ს საბაკალავრო, სამაგისტრო და სადოქტორო აკრედიტებულ საგანმანათლებლო პროგრამაზე ჩარიცხული სტუდენტების სწავლის პროცესში კვლევის ინტეგრაციისა და თემატური და/ან ინტერდისციპლინური მიმართულებით კვლევითი აქტივობის განვითარების წახალისება, სამეცნიერო კვლევების ხარისხის გაზრდა, აკადემიური დონის ამაღლება და კვლევითი უნარ-ჩვევების განვითარების ხელშეწყობა;
2. სტუდენტური სასწავლო კვლევითი პროექტების დაფინანსების მოპოვება შესაძლებელია მხოლოდ ღია კონკურსის წესით;
3. კონკურსის პრიორიტეტული მიმართულება და მონაწილეობის პირობები განისაზღვრება ბტუ-ს რექტორის ბრძანებით.

**მუხლი 2. კონკურსში მონაწილეობა და კონკურსის პირობები**

1. საგრანტო კონკურსის ფარგლებში ფინანსდება განაცხადები, რომლებიც ითვალისწინებს სტუდენტურ სამეცნიერო-კვლევით პროექტებს, წარდგენილს შემდეგი სასწავლო საფეხურის სტუდენტების მიერ:
  - ა) ბაკალავრიატი,
  - ბ) მაგისტრატურა,
  - გ) დოქტორანტურა;
2. ყოველწლიურად ბტუ-ს რექტორის მიერ შესაძლებელია შერჩევით განისაზღვროს საგრანტო კონკურსი ამ მუხლის 1-ელი პუნქტის „ა“, „ბ“ და/ან „გ“ ქვეპუნქტით განსაზღვრული ნებისმიერი კატეგორიისათვის;
3. კონკურსში მონაწილეობის უფლება აქვს ბტუ-ს ბაკალავრიატის, მაგისტრატურისა და დოქტორანტურის აკრედიტებულ საგანმანათლებლო პროგრამის აქტიური სტატუსის მქონე სტუდენტს;
4. კონკურსის მონაწილე ბაკალავრიატის სტუდენტს უნდა ჰყავდეს კვლევის ხელმძღვანელი, ხოლო მაგისტრატურის/დოქტორანტურის სტუდენტს - სამაგისტრო/სადოქტორო ნაშრომის ხელმძღვანელი;
5. აპლიკანტს შესაძლებელია ჰყავდეს კონსულტანტი, რომლის კვალიფიკაცია შეესაბამება პროექტში აღწერილ კვლევის სფეროს;
6. აპლიკანტს კონკურსზე შეუძლია წარადგინოს მხოლოდ ერთი პროექტი.

**მუხლი 3. ძირითადი ფინანსური მოთხოვნები**

1. საკონკურსოდ წარდგენილი პროექტის ხანგრძლივობა უნდა იყოს მინიმუმ 2 და მაქსიმუმ 6 თვე;
2. პროექტისთვის ბტუ-დან მოთხოვნილი დაფინანსება უნდა შეესაბამებოდეს შემდეგ სქემას:

სწავლების საფეხური	ბტუ-დან მოთხოვნილი თანხის მაქსიმალური ოდენობა
ბაკალავრიატი	1000 ლარი
მაგისტრატურა	1500 ლარი
დოქტორანტურა	2000 ლარი

- „ 3. ბტუ-დან მოთხოვნილი დაფინანსება შეიძლება მოიცავდეს შემდეგ ხარჯვით კატეგორიებს:
  - ა) სტიპენდია - არ უნდა აღემატებოდეს ბტუ-დან მოთხოვნილი თანხის 25%-ს;
  - ბ) სასწავლო-კვლევითი პროექტის განხორციელების ხარჯი;
  - ბ) პროექტის შედეგების გავრცელებასთან დაკავშირებული ხარჯი (კონფერენციაში მონაწილეობა, პუბლიკაციის გამოქვეყნება და სხვა).

#### მუხლი 4. კონკურსში მონაწილეობისათვის წარსადგენი დოკუმენტები

1. საგრანტო კონკურსში მონაწილეობისათვის წარმოსადგენი პროექტის დოკუმენტაცია მოიცავს:
  - განცხადება კონკურსში მონაწილეობის შესახებ (დანართი 2),
  - სტუდენტის, კვლევის/ნაშრომის ხელმძღვანელისა და კონსულტანტის (ასეთის არსებობის შემთხვევაში) პროფესიული ბიოგრაფიები (CV, დანართი 3),
  - საპროექტო წინადადება (დანართი 4),
  - პროექტის განხორციელების გეგმა-გრაფიკი (დანართი 5),
  - პროექტის განხორციელების ბიუჯეტი და დასაბუთება (დანართი 6),
  - კონსულტანტის (ასეთის არსებობის შემთხვევაში) თანხმობის წერილი.
2. კონკურსში მონაწილეობისათვის კონკურსანტმა დოკუმენტები უნდა წარმოადგინოს დამტკიცებული წესების, ფორმებისა და ვადების დაცვით;
3. პროექტის დოკუმენტების სრულყოფილად წარმოდგენაზე პასუხისმგებელია სტუდენტი.

#### მუხლი 5. კონკურსზე რეგისტრაციის წესი

1. კონკურსში მონაწილეობით დაინტერესებულმა სტუდენტმა საკონკურსო დოკუმენტები უნდა წარმოადგინოს არაუგვიანეს **2024 წლის 11 ნოემბრის 18:00 საათისა;**
2. საპროექტო წინადადება, პროექტის განხორციელების გეგმა-გრაფიკი, პროექტის ბიუჯეტი უნდა გაერთიანდეს ერთ PDF ფაილად და დაერქვას პროექტის სათაური;
3. პროექტის წარმდგენი სტუდენტის, ხელმძღვანელისა და კონსულტანტის (ასეთის არსებობის შემთხვევაში) პროფესიული ბიოგრაფიები (CV), ასევე კონსულტანტის (ასეთის არსებობის შემთხვევაში) თანხმობის წერილი უნდა გაერთიანდეს მეორე PDF ფაილში, დაერქვას - პროექტის განმახორციელებელი პერსონალი;
4. ორივე PDF ფაილი, კონკურსში მონაწილეობის განცხადებასთან (PDF ფორმატში) ერთად უნდა გამოიგზავნოს ელ.ფოსტაზე: [info@btu.edu.ge](mailto:info@btu.edu.ge)
5. საკონკურსოდ განიხილება მხოლოდ ის განაცხადი, რომელსაც დადგენილი ვადებისა და წესების დაცვით გავლილი აქვს რეგისტრაცია.

#### მუხლი 6. კონკურსის ადმინისტრირება

1. კონკურსის ადმინისტრირების ეტაპებია:
  - ა) კონკურსის გამოცხადება
  - ბ) განაცხადების რეგისტრაცია
  - გ) განაცხადების ტექნიკური ექსპერტიზა
  - დ) განაცხადების შეფასება
  - ე) გამარჯვებული სტუდენტების გამოვლენა
2. კონკურსზე რეგისტრირებული პროექტების კონკურსის მიზნებისათვის დადგენილ მოთხოვნებთან შესაბამისობის შემოწმების მიზნით ჩაუტარდება დოკუმენტაციის ტექნიკურ ექსპერტიზა;
3. ბტუ უფლებამოსილია, კონკურსის ნებისმიერ ეტაპზე კონკურსიდან მოხსნას განაცხადი, რომელიც არ შეესაბამება კონკურსის მიზნებისათვის დადგენილ მოთხოვნებს, წარმოდგენილია არასრული ან ყალბი ინფორმაცია.

### მუხლი 7. პროექტების შეფასება და დაფინანსების წესი

1. კონკურსის მოთხოვნებთან შესაბამისობაში მყოფი რეგისტრირებული პროექტების შეფასდება კომისიის მიერ;
2. კომისიის შემადგენლობას და ფუნქციონირების წესს განსაზღვრავს ბტუ-ს რექტორი;
3. დაფინანსების მოსაპოვებლად, ქულების მიხედვით კეთდება პროექტების რანჟირებული სია თითოეული სასწავლო საფეხურისთვის ინდივიდუალურად (ბაკალავრიატი, მაგისტრატურა, დოქტორანტურა);
4. დაფინანსდება მხოლოდ საუკეთესო პროექტები რანჟირებული სიების მიხედვით (ზემოდან ქვემოთ), სანამ კონკურსისთვის გამოყოფილი ბიუჯეტი იძლევა პროექტის სრულად დაფინანსების საშუალებას;
5. თუ გამარჯვებულ პროექტთან რაიმე მიზეზით ვერ მოხერხდა საგრანტო ხელშეკრულების გაფორმება, მაშინ მის ნაცვლად დაფინანსდება ერთიანი რანჟირებული სიიდან რიგით მომდევნო პროექტი, რომელიც აკმაყოფილებს დაფინანსების მოსაპოვებლად აუცილებელ პირობას.

### მუხლი 8. პროექტის შეფასების კრიტერიუმები

1. კომისიის მიერ პროექტი შეფასდება შემდეგი კრიტერიუმების მიხედვით:

კრიტერიუმები და განმარტებები	შესაძლო ქულები			მინიმუმ 1 მაქსიმუმ 3 ქულა
	1	2	3	
<b>1. სამეცნიერო-კვლევითი პროექტი</b> კვლევითი თემის/საკითხის აქტუალობა, კვლევის სიახლე და ინოვაციურობა, პრობლემის ფორმულირება; კვლევის მიზნები და ამოცანები; კვლევის მეთოდოლოგია.				
<b>2. აკადემიური კომპონენტი</b> სტუდენტის აქტივობა, ხელმძღვანელის და კონსულტანტის (ასეთის არსებობის შემთხვევაში) კომპეტენციების შესაბამისობა კვლევის თემატიკასთან.				მინიმუმ 1 მაქსიმუმ 3 ქულა
<b>3. პროექტის მენეჯმენტი და განხორციელებადობა, პროექტის ბიუჯეტი</b> პროექტის გეგმა-გრაფიკის განხორციელებადობა და შესაბამისობა კვლევის მიზნებსა და ამოცანებთან; პროექტის ბიუჯეტის დასაბუთება.	1	2	3	მინიმუმ 1 მაქსიმუმ 3 ქულა
<b>ჯამური ქულა</b>				მინიმუმ 3 მაქსიმუმ 9 ქულა

2. შეფასების სამი კრიტერიუმიდან (1 – სამეცნიერო-კვლევითი პროექტი, 2 – აკადემიური კომპონენტი, 3 – პროექტის მენეჯმენტი და განხორციელებადობა) თითოეული კრიტერიუმი ფასდება 3-ქულიანი სისტემით. ჯამური მაქსიმალური შეფასება არის 9 ქულა.

კრიტერიუმებში ქულებით შეფასება განმარტება შემდეგნაირად:

შეფასება ქულით	შეფასება	განმარტება
1	სუსტი	პროექტი მცირედ პასუხობს, შეუსაბამოა ამ კონკრეტულ კრიტერიუმთან, შეინიშნება სერიოზული, არსებითი სუსტი მხარეები
2	საშუალო	პროექტი ზოგადად პასუხობს კრიტერიუმს, მაგრამ დასაბუთება არადაამაკმაყოფილებელია
3	კარგი	პროექტი კარგად, ზუსტად პასუხობს კრიტერიუმს. არის ორიგინალური და აქვს სამეცნიერო პოტენციალი.

3. კონკურსში გამარჯვებისთვის აუცილებელი, მაგრამ არასაკმარისი პირობაა პროექტმა მიიღოს 6 ან მეტი ქულა.
4. თანაბარი ქულების დაგროვების შემთხვევაში უპირატესობა ენიჭება იმ პროექტს, რომელიც ჯამურად მაღალ ქულას დააგროვებს თანმიმდევრულად პირველ, შემდგომ მეორე და მესამე კრიტერიუმში.

#### **მუხლი 9. ხელშეკრულება**

1. ბტუ-ს რექტორის მიერ გამარჯვებული პროექტების დამტკიცების შემდეგ ბტუ უზრუნველყოფს საგრანტო ხელშეკრულების გაფორმებას კონკურსში გამარჯვებული პროექტის წარმდგენ სტუდენტთან;
2. საგრანტო ხელშეკრულება ითვალისწინებს პროექტის ფარგლებში შექმნილი ინტელექტუალური საკუთრების (ასეთის არსებობის შემთხვევაში) უფლებით სარგებლობას ქვეყანაში მოქმედი და საერთაშორისო კანონმდებლობის შესაბამისად.

#### **მუხლი 10. პროექტის შესრულების მონიტორინგი**

1. გამარჯვებული სტუდენტი ვალდებულია ბტუ-ს რექტორის მიერ დამტკიცებული ფორმების შესაბამისად წარმოადგინოს პროექტის ფარგლებში განხორციელებული აქტივობების ანგარიში;
2. სასურველია პროექტის დასრულების შემდგომ კვლევის შედეგების გავრცელების მიზნით სტუდენტის მიერ ადგილობრივ/საერთაშორისო სამეცნიერო კონფერენციაში მონაწილეობის მიღება, და/ან სამეცნიერო სტატიის გამოქვეყნება ადგილობრივ/საერთაშორისო სამეცნიერო პერიოდიკაში.

#### **ბიზნესისა და ტექნოლოგიების უნივერსიტეტის სტუდენტური სასწავლო-კვლევითი პროექტების კონკურსის დანართები (საკონკურსო ფორმები)**

- AF-RC-03\_08.2024.G\_განცხადება კონკურსში მონაწილეობაზე;
- AF-RC-03\_09.2024.G\_კონკურსის მონაწილეთა რეზიუმე;
- AF-RC-03\_10.2024.G\_საპროექტო წინადადება (სტუდენტური სასწავლო-კვლევითი პროექტი);
- AF-RC-03\_11.2024.G\_პროექტის განხორციელების გეგმა - გრაფიკი;
- AF-RC-03\_12.2024.G\_პროექტის ბიუჯეტი.